

本草彙言

本草彙言卷之十八

錢塘

倪朱謨純字甫選集

男洙龍冲之氏藏稿

張世臣相如甫校正

禽部

水禽類

鴨血味鹹氣寒無毒

陳氏曰野鴨爲鳬家鴨爲鶩不能飛翔如庶人守耕稼而已又按周禮庶人執鶩因其性質木而無他心故庶人以爲費其鳴唧唧以名自呼又按格物論云雄鴨綠頭文吻雌鴨頭黃斑色其身毛又有純白純黑者

○鴨血解諸毒之藥也趙天民曰鴨血寒凝而復能行散故李時珍方取血乘熱飲善解一切金銀丹石砒霜諸毒及一切毒蟲毒草如野葛射工百蟲惡毒垂死者灌入喉卽能生活

本草綱目

卷十八

○鴨肉

味甘。氣寒。無毒。

補虛羸勞熱。骨蒸之藥也。金山臺曰。以五

味調和。作羹食更佳。以白羽者絕効。如病痢疾人食之。

病轉劇。切戒。

鴛膽。味苦氣寒。無毒。

李氏曰。鴛膽。以南多畜之。有蒼白二色。綠。蝦黃。紫。紅。等。夜。鳴。應。更。性。能。啖。蛇。及。蝎。能。制。射。工。養。之。能。辟。一。切。毒。蟲。毒。地。性。喜。食。米。糲。菜。諸。物。因。禁。器。鬼。諸。器。物。中。其。身。能。跡。隨。器。方。圓。長。短。

○鴛膽。解熱毒。消痔瘡之藥也。江魯陶曰。按李時珍方。治痔瘡有核。以鴛膽汁一個。入冰片五釐。研勻。磁器密封。臨用以指蘸搽立効。

○掌上黃皮解濕毒爛瘡之藥也。李時珍王大生曰按譚塾翁方
治脚指縫濕爛以鴛掌黃皮燒研成細灰臨用濕者乾
糝足指縫中并治凍瘡。

禽部 原禽類

諸雞

李氏曰雞類甚多。五方所產。大小形色。往往亦異。其在
北屬。其在星應。無外腎而缺小腸。其鳴也。知時刻。其
棲也。知陰晴。鄉人畜雞。無雄。以雞卵告竈。而伏山之。太
清外術言。蓄雞之家。雞輒飛去。萬畢術言。其羽焚之。可
以致風。古人言雞能辟邪鬼。則
雞亦靈禽也。不獨充庖厨而已。

○雞冠血

味鹹。氣平。無毒。

發痘點。解百蟲。定驚癇。客忤之藥也。祝

李珣

多士曰。按李氏方云。雞爲陽禽。冠爲陽分。冠血乃諸陽
所聚。大能祛風活血。使陽氣充溢。反陰爲陽。從裏出表。
凡風中血脉。而口角偏喎。或中惡卒死。而驚癇客忤。或
痘瘡初發。而閉逆不出。或毒蟲咬傷。而疼痛不止。此乃
鹹能走血。以血治血。如風邪火邪。驚氣毒氣。壅遏管道。

而不清者。冠頂之血。至清至高。使風可散。痘可拔。中惡驚忤可回。毒蟲傷痛可定。或取之敷塗。或和之酒飲。奏効頗奇捷也。如天行痘子。虛寒者用此。可資起發。倘因血熱而乾枯焦黑者。用之亦無驗也。

○雞肝

味甘。微苦。氣溫。無毒。

補腎安胎。

消疳明目。

王嘉生曰。

雞肝。

雞肝。

雞肝。

雞肝。

雞肝。

目乃肝竅。疳本肝疾。小兒肝熱致虛。故成疳疾。目暗者。

以雞肝和藥服。取其導引入肝。氣類相感之用也。婦人

胎妊雖繫胞中。而實厥陰肝藏主之。今胎妊有不安而

欲墮者。以雞肝入養榮諸丸。取其保固胞蒂。養肝以安

藏血之藏也。

○集方治小兒

一切疳疾。

以致目生障翳者。

用雞肝二十

枚。

切。

以酒洗。

去其毒。

以酒洗。

去其毒。

以酒洗。

個生搗爛成膏。蕪荑草果仁。山查肉。使君子肉。穀精草。

枳實。白朮。各四錢。白朮三錢。共微炒。研為細末。以雞肝

為丸。如彈子大。每早晚各服一丸。米湯化下。○治妊婦

胎氣不安。欲小產者。用雞肝四十個。煮熟搗爛成膏。川

芎一兩。當歸。白芍藥。生地黃。杜仲。白朮。各二兩。俱酒拌

炒。研為末。雞肝為丸。梧子大。每早晚各服五錢。白湯下。

○雞尿白。味苦。氣寒。無毒。臘月收。消腫脹。通石淋。散風痺。

之藥也。周志含曰。雞屬風木。陽禽也。尿出為白。又得陰

金之化耳。故素問方主臃脹。且食不能暮食。別錄方治

石淋。閉塞澀痛。澁道欲通不通。藏器方治賊風偏痺。如

咬如鑽。如剝如裂。疼痛不已。俱用雞尿白治之。此三證

皆風木內甚。水穀不運。氣不宣流。故令中滿如臑。或漫道淋塞。閉痛。或肢體偏痛不仁。等證。蓋此藥能下氣消積。通利膀胱。驅風活血也。故前人治此三證。且大有殊功。

○集方治臑脹

皆學正傳

取臘月雞屎白半觔。炒焦。浸酒一日。每日

取木香、檳榔各一錢。爲末。以酒調服。○治石淋澀痛難

忍。用雞屎白一兩。炒焦爲末。每用一錢。以白蘿蔔搗汁。

一碗調服。○治四肢偏痺。風疾疼痛。不能舉動。并治白

虎歷節風痛。用雞屎白一兩。浸好酒一壺。煮熱。每日熏

洗痛處。

○雞卵

味甘。氣平。無毒。

益氣養血。清火解熱。毒之藥也。邢元璧曰。

按李氏發明云。雞子稟生化最初之氣。如混沌未分之形。白象天。其氣清。其性寒。黃象地。其氣渾。其性溫。白能清氣。故大氏方治咽痛欬逆。瘡腫盜汗。諸疾。黃能補血。故陳氏方治產後諸虛。力衰眩暈。久痢腸脫。疳積瘰癧。諸疾。兼黃白並用之。則調氣生血。而與阿膠同功也。但性質凝滯。雖稱補養之物。如胃中有冷痰積飲者。脾藏冷滑。常泄瀉者。胸中有宿食。積滯未清者。俱勿宜用。

○集方治傷寒^{少陰}病。咽中生瘡。痛不能語言。聲不出者。用生半夏十枚。雞子一個。去黃。內入半夏苦酒。令滿。置刀環中。安火上。令三沸。去半夏。少含嚥之。三作卽効。

○治氣虛欬逆。用雞子三個。去黃。取白。以酒微煮。溫和。

食之。○治癰疽發背。一切腫毒初作。或經十日以上。腫赤焮熱。日夜疼痛。百藥不効者。用雞子五枚。傾出黃白。在砂鍋內。以箸打勻。取新狗屎四兩。入雞子黃白內攪勻。微火熬。以雞子熟爲度。待溫和。取敷腫頭上。以帛包扎。時時看視。熱卽易。經一宿後。如日多者。一日一易。至瘡乃止。此方穢惡。不可施之貴人。一切諸方皆不能及。但宜備擇而已。○治陰虛盜汗夜熱者。用雞子五枚。微擊碎。入童便內浸一日。煮食。○治產後諸虛。用雞子三個。白酒內浸一日。隨用酒煮食。○治久痢腸脫不止。用雞子十個。去黃。取清和薑汁醬油各十茶匙。攪勻。煮熟食之。○治瘰癧延生消長不已。用雞子一箇。用箸頭將

黃白攪勻。取斑貓二箇，去翅，裝入雞子內，飯鍋蒸熟，去斑貓，取雞子食。間日食一箇，食三十箇，全愈。○治疳積，用雞子一箇，用藥製法，見木鱉子集方中。○治少陰病，得之二三日以上，心中煩，不得臥者，用黃連、黃芩、白芍藥各二錢，煎汁一碗，去渣，入阿膠一錢五分，洋盡，再加雞子清黃一箇，攪勻服。○治產後血暈發瘧，身強直，目向上，四肢牽急，不知人，用雞子清五箇，取荊芥焙研，細末二錢，取雞子清調服，即安。

○脆胘裏黃皮

味甘氣溫無毒

治小兒諸疳，又止久痢之藥也。葉

振華曰：雞脆胘，雞之脾也，乃消化穀食之所，雞所食諸蟲百物及砂石土屑，入此無不消化，其色黃，其質燥，其

體堅而厚。如錢氏小兒方中用此為消食積化疳結也。
如竇氏外科方中用此作糝藥入癰疽瘡口內去膿長
肌肉也。又安氏方治走馬牙疳方中用此止臭爛頗捷
也。此三病蓋取其堅而能消溫而能長之義。

○集方治小兒一切疳積并傷食作瀉用雞臍胚黃皮五

箇水洗淨曬乾於白朮二兩枳實一兩砂仁一兩俱炒

燥研為末每服一錢米湯調服○治一切癰疽潰爛久

不收口用雞臍胚黃皮三箇水洗淨曬乾蘆甘石五錢

真鉛粉三錢共研極細加冰片二分再研勻入磁罐收

貯密封每早晚用溫湯洗患處用少許摻之○治走馬

雞臍胚黃皮二箇水洗淨乾研細末銅青二錢鉛粉

一錢共研勻水洗淨洗牙根用小匙挑藥摻

鴿肉味甘鹹。氣平。無毒。

李氏曰。鴿處處人家畜之。有家鴿。亦有野鴿。各品雖多。其毛羽。不過青、白、皂、綠、紫、花斑數色。其眼目。亦有大、小、黃、赤、綠、花斑等色。凡諸禽皆雄乘雌。此獨雌乘雄。又與鴿爲匹偶。其性淫而易合。故名。其飛翔可遠數十里。能呼引他處來集者。

○鴿肉補虛羸益精氣解諸藥毒之藥也。陳月坡曰。諸禽

孟詵
出醫心方

鳥屬火者多。此獨稟金水之氣。其肉柔嫩鮮甘。其味美

於諸禽之肉。故賈似道取充庖用以食美女。使之悅顏

色調血氣也。又嘉祐本草療久患疥癬。日取一隻調五

味食之。半月立愈。又瀟江方預辟痘毒。用白鴿卵一對。

入竹筒封置廁中。半月取出。以辰砂三錢研細和卵白

九菜豆大。每服三十丸。黑豆湯送下。毒從大小便出也。

又嘉祐方治人馬疥癬及小兒頭瘡用鴿糞炒研醋調敷之。又劉氏方治心氣痛用鴿糞三錢炒焦研末白湯調服立止。又張子和方治項上瘰癧用鴿糞二兩炒焦研末飯丸梧桐子大每服百丸米飲下二月全消。

夜明砂

卽蝙蝠屎

味辛氣寒無毒沉也降也入足厥陰經

李氏曰蝙蝠形似鼠灰黑色有薄肉翅連合四足及尾夏出冬蟄晝伏夜飛食蚊蚋自能生育生石穴者甚大棲息古廟高屋梁間常自倒懸此物善伏氣故能壽其屎名夜明砂陶氏曰方家不用者世俗不識也修治凡採取以水淘去灰土惡氣取細砂曬乾焙用其砂乃蚊蚋眼也

○夜明砂消疳明目之藥也方吉人曰蝙蝠晝伏夜出喜食蚊蚋屎中淘出細砂乃未化蚊蚋眼也專入肝經血分故前古主破積聚除寒熱消癰癰又唐氏方治小兒無辜疳疾及大人血瘀氣滯肝逆而成翳障目盲之證此物堅寒明肅能活瘀消積故所治積聚癰癰驚疳盲障等疾皆足厥陰血分病也今方用甚鮮因淘取不多得也

○集方治腹中諸積聚寒熱用夜明砂三錢阿魏四錢花

椒五錢紅麴六錢俱研細末每服二錢清晨白湯調下

○治療癰延纏用夜明砂三錢白蛤殼五錢火煨共研

細末米飯爲丸如菉豆大每晚服二錢白湯下○治一

切疳疾用夜明砂五錢入砂礮內以精猪肉三兩切片

入礮內水煮熟取肉與兒食飲其汁取下腹中胎毒卽

効○治大人小兒內外翳障及青盲雀目用夜明砂二

錢研化同猪肝煮熟食肝并飲汁盡三次全効○治五

瘡不止用夜明砂一錢生薑三片細茶一撮煎湯調服

卽効

五靈脂、味甘、酸、氣平。無毒、氣味俱厚。陰中之陰。降也。入足厥陰。手少陰經。

蘇氏曰：五靈脂，乃寒號蟲之糞也。出北地極寒處。今河東州郡皆有之。說文云：有足之謂蟲。裸毛羽鱗介之總稱。故曰五靈脂。則以形似也。又名鵝旦。五臺山最多。狀似小雞肉翅四足。夏月毛羽五采。自鳴曰：鴈。鳳凰不如我。初冬毛羽脫落。裸形如雞。冬而號。夜鳴曰：來。朝造個窠。旦鳴曰：得。過月過。日出。暖。和。故月令之仲冬。鵝鳴不鳴。冬至陽生。漸暖。故也。餐以柏實。先冬鵝集。穴居。南向。食已而遺。遺已而食。遺尿色黑如鐵。形凝如脂。氣甚腥惡。修治用水和。熬去砂石。再用酒浸。飛去砂土。曬乾收用。

○五靈脂散血行瘀止痛化積爲婦科產後百證之要藥

也。沈孔庭曰：此蟲畏寒喜煖。性專散血行瘀。故開竅方。

治婦人血閉脹悶。血瘀脹痛。血逆作嘔。血痺成勞。或血

滯作寒熱等證。繆氏仲時言此藥其功長於破血行瘀。如果

屬產後瘀血停滯作痛。產後少腹兒枕作痛。產後惡血攻心。血暈作痛。婦人經閉結滯。心胃腹間作痛。氣鬱脉滯。經血不行。攻刺作痛。瘀血挾痰結成窠囊。腫子不明。或瘀血凝結牙齦之間。而成齒痛等證。在所必需用也。倘有血衰經閉。血虛腹痛。產後去血過多。心虛發暈而痛。病屬血虛無瘀滯者。皆所當忌用也。又按前賢寇氏曰。蓋諸痛皆屬於肝。諸蟲皆生於風。此藥散血行血。和血止血。而定諸痛。所主諸證。皆肝經血分之病也。凡男婦老幼。一切心腹脇肋少腹痛。疝瘕痛。并胎前產後血氣攻痛。俱能奏功。又古方謂五靈脂治崩中。實非止血之藥。乃去風之劑。風動物也。衝任經虛。被風傷襲。營血

以致崩中暴下。與荊芥、防風治崩義同。此說是矣。而猶未盡也。又肝血虛滯。亦自生風。能使血動而崩。又不待外風傷襲也。如陳士良方。用參耆熟地。炮薑少和五靈脂。而治血崩。蓋謂肝虛生風而血脫也。善斯業者。當悟古人識見如此。不可執一論也。

○集方治產後^方一切瘀血^正爲患。爲脹。爲痛。爲嘔。爲寒熱。或兒枕痛。或血暈痛。或卒暴心胃作痛。或男婦疝瘕。酒積作痛。或小兒疳積蟲痛。俱能治之。用五靈脂一觔。水浸淘去砂石。再用酒飛晒乾。取六兩。澤蘭葉。益母葉。牡丹皮。當歸稍。延胡索。白芍藥。白朮。川芎。俱酒洗炒。木香。肉桂。焙。各二兩。共研爲細末。配五靈脂水。以米醋打紅麴。

末作糊丸。菰豆大。每服三錢。婦人產後諸疾。酒下。疝氣。瘕氣痛。茴香湯下。酒積痛。陳皮湯下。卒暴心胃痛。淡鹽湯下。小兒疳積蟲痛。花椒白明礬湯下。○治胎衣不下。并惡血冲心。用五靈脂。水飛過。四錢。溫酒下。○治經血不止。用五靈脂。去砂土。炒燒盡。二錢。當歸身一錢。水煎服。○治傷食成疴。用五靈脂。水飛過。一兩。木香五錢。巴豆肉四顆。去殼煨熟。去油。共爲末。米糊丸。菰豆大。每服五丸。白湯下。○治小兒五疳潮熱。用五靈脂。水飛過。一兩。胡黃連五錢。於白朮八錢。俱炒燥。爲末。飴糖爲丸。彈子大。每服一丸。米湯化下。○治酒積黃腫。用五靈脂。水飛過。一兩。入麝香二分。稀糊丸。小豆大。每服十丸。米湯

下。○治瘵血目翳。方脈正餘。用五靈脂、水飛過、一兩、桃仁、去皮、二兩、五錢、共研勻。飯搗爲丸。梧子大。每食後服五十丸。二月全愈。○治瘵血齒痛。直指方。用五靈脂、水飛過、三錢、米醋、一碗煎滾。候溫。和含汨。

治小兒蟲咬心痛欲絕。用五靈脂末二錢、枯礬五分。共爲細末。每服二錢。白湯調。不拘時服。當吐出蟲即愈。

獸部 畜類

豬膽汁味苦氣寒無毒沉也降也入手足陽明經。

李氏曰豬水畜也。土地生產各有不同。生青兗徐淮者耳大。生江南者耳小。生燕冀者皮厚。生梁雍者足短。生遼東者頭白。生豫州者耳短。生嶺南者白而極肥。孕四月而生。在畜屬亥。在卦屬坎。在畜應室。其體骨重而少筋。性趨下。俯首喜卑。穢天將雨則進涉水中。牝曰死。曰豨。牝曰豨。曰豨。皮、肉、筋、骨、髓、腦、藏、府、膏、膜、頭、臙、肝、卵、懸、蹄、耳、垢、婦、湯、毛、鬣、咸、歸、藥、川。如豨豬。其力轉勝。故壯豬之膽并蹄皆倍大於牝者。

○豬膽汁主傷寒裏熱燥渴潤大便火結之藥也。白尙之曰。按經曰熱淫於內寒以勝之。苦以泄之。故仲景方以葦筒納穀道二寸以豬膽汁和醋少許灌之。治傷寒裏熱枯燥大便不通。蓋取苦酸寒滑而潤燥通結也。又治少陰下利不止厥逆無脈乾嘔煩者以白通湯加豬膽。

汁以調寒熱之逆者也。取人尿、豬膽、鹹苦之物。於熱劑之中，使其氣相從而無拒格之患矣。又治霍亂病吐下已斷，汗出而厥，脈微欲絕者，以通脈四逆湯加豬膽汁數匙主之者。蓋陽氣大虛，陰氣獨勝，純與陽藥，恐陰氣拒格不得入，故加豬膽汁之苦寒入心，以通脈和肝，亦使其氣相從，不致拒格也。此寒因熱用，熱因寒用之義耳。

○集方仲景治少陰下利不止，厥逆無脈，乾嘔煩者，以白通湯用葱白四莖、乾薑一兩、生附子一枚，水三升，煮一升，入童尿三合，服豬膽汁半合調服。○仲景治少陰病下利清穀，裏寒外熱，手足厥逆，脈微欲絕，身反不惡寒。

其人面色赤或腹痛或乾嘔或咽痛或利止脉不出者
以通脉四逆湯主之用甘草一兩生附子一枚葱白七
莖乾薑二兩以水三升煮取一升去渣加豶豬膽汁五
匙調服如腹中痛甚者加酒炒白芍藥二兩嘔者加生
薑二兩咽痛加桔梗一兩利止脉不出者加人參二兩
○治喉風閉塞冬至日取豶豬膽五六枚用川黃連薄
荷殭蠶白礬水朴硝各五錢研極細末拌勻分裝膽內
將地掘深一尺以竹幹橫懸此膽以無隙釘蓋定至立
春日取出待風吹乾密收每取少許吹入喉間立効○
治熱病^{移方}蠱蝕上下用豶豬膽汁一枚醋一合頓溫服蟲
立死

豬膚味甘氣平無毒

吳氏曰豬膚係髀豬時利下毛裏白骨是也

○豬膚仲景治足少陰下利咽痛胸滿心煩者有豬膚湯用豬膚八兩水五升煮二升取汁入白蜜五合粳米粉三合總熬令香分作三服盧氏曰膚革外薄皮也又曰膚淺也足少陰下利猶釜底抽薪而烹飪廢致水穀失濟失泌之所致也蓋少陰腎主水已屬從流而下矣復心煩胸滿咽痛者轉類奔豚之爲疾氣從少腹上衝心令人若死狀者腎屬水藏豬屬水畜爲能充其類焉取其淪膚殆盡而氣微衰廼得自外而內以從上而下也則下利止而咽痛胸滿心煩自愈矣又成氏言加白蜜以潤燥潤燥則煩除加粳粉以益氣益氣則利止於義

亦通。

豬心血

味甘鹹氣平無毒

治驚癇顛疾心氣閉而有痰也。中惡卒死之藥也。翟秉

元曰驚癇顛疾心氣閉而有痰也。中惡卒死心氣閉而

有邪也。四證均屬心君失令血不歸元而然。用此藥以

心歸心以血導血也。如沈存中用豬尾血以治痘瘡黑

陷取半盞和好酒調服須臾紅活亦取生血回元之義。

豬大腸

味甘氣寒有微毒

潤腸治燥止血痢藏毒之藥也。

○集方治腸風藏毒因熱者用豬大腸一條去油垢淨酒

煮極爛搗膏以白芍藥四兩川黃連五錢俱炒研末和

爲丸梧子大每服二錢白湯下。○治藏寒泄瀉體倦食

減用豬大腸如前法製以於白朮四兩吳茱萸一兩俱

炒研末和爲丸。梧子大。每服三錢。白湯下。

豬脬

味甘。氣平。無毒。

治老幼男婦夢中遺溺不愈。并療陰囊濕癢。

玉莖生瘡。諸病之藥也。以五味調作羹食之。陸平林曰。

豬脬卽尿胞也。吳人俗呼小肚。所治皆下焦病。亦以類

從爾。按羅氏衛生方。治蘄州一婦人。病轉脬。小便不通。

腹脹如鼓。二旬垂死。一醫用豬脬吹脹。以翎管安上。插

入其孔。捻脬氣。卽吹入。卽大尿而愈。此法知者頗少。亦

機巧妙術也。

按邵真人延壽箋曰。豬爲食味中嘗用之物。藏府腸胃。

咸無棄焉。然其一身除肚膏外。餘皆有瘡發病。人習之。

而不察也。壯實者。或暫食無害。有疾者。不可不知其忌。

特列其害于後。○肉多食。令人虛肥生痰。大病後食之復發。與薑同食。卽發大風病。○頭肉有病者。食之。生風發疾。○腦食之。損男子陽道。絕生育。酒後尤不可食。○血能收血。而耗心氣。○肝食之。必傷人。豬蹄宰。驚氣入心。絕氣歸肝。故也。合諸魚食。生癰疽。○脾。一生莫食之。○肺。不可與白花菜合食。令人氣滯。發霍亂。○腎食之。傷腎少子。冬月尤不可食。損人真氣。○脰。男子食之。損陽。○腸。食之。動冷氣。發宿疾。○鼻唇。食之。動風。○舌。食之。損心氣。

羊肉味甘氣熱有毒入手足陽明經

自死者有人毒吳食發惡疾立死

蘇氏曰羊四足皆有種類極多其色有黑白斑不同其毛有長短剛柔之別李氏曰生江南者為吳羊頭身相等而毛短生秦晉者為夏羊頭小身大而毛長土人二歲而剪其毛以為毳物謂之綿羊廣南英州一種乳羊食仙茅極肥食之甚補人諸羊皆孕四月而生其目無神其腸薄而縈曲在畜屬火故性熱而易繁也在卦屬兌故外柔而內剛也其性惡濕喜燥食鉤吻而肥食仙茅而壯食仙靈脾而淫食躑躅而死物理之宜忌不可測也胡人以骨占灼謂之羊卜亦有一靈耶其皮極薄南番以代紙書字吳人以代紙畫彩為燈甚鮮明一

○羊肉補中益氣療中風虛汗治產後陰陽兩虧之藥也

魏景山曰按東垣云補可去弱人參羊肉之屬是也凡

一切諸病形氣痿弱脾胃虛羸不足者宜之古方入補

湯劑有大羊肉湯金匱方治寒勞虛羸及產後心腹疝

痛四肢厥逆用肥羊肉一觔水一斗煮汁七升入當歸

生薑各三兩。黃耆五兩。煮取二升。分四服。然味甘性熱。如天行熱病後。溫瘧積痢後。食之必致發熱難療。又癰腫瘡瘍。消渴吐血。跛脹腫滿。脚氣黃疸等疾。咸不宜服。

○羊肝

味苦。微甘。氣寒。無毒。

補肝明目。治風淫目暗之藥也。計日聞

曰。羊肝補肝。以類相從也。肝開竅于目。肝熱則目赤。肝虛則目昏。或生翳障。羊肝苦寒甘補。肝病目病藥中。搗

和爲丸服。明目諸方。無出於此。

羊膽點目疾見蟲部。別生類蜂蜜集方下。

○羊腎

味甘。氣溫。無毒。

益精髓。補腎氣。却虛勞之藥也。陳象先曰。

按千金外臺深師諸方。治腎虛勞損。消渴脚氣等疾。有腎瀝湯方。有羊腎煮湯煎藥。蓋用爲引嚮。各從其類也。

腎瀝湯

方見

部

黃牛肉味甘。氣溫。無毒。入手足陽明經。自死者有大毒。誤食發疔毒惡疾。

蘇氏曰：牛之壯者曰牯，曰犍，曰犗。牯，牝者曰牯，牝者曰犍。牯，北者曰牯，北者曰犍。色曰犍，駁色曰犍。去勢曰犍。牛子一歲曰犍，李氏曰：牛有犍牛、水牛二種。犍牛小而水牛大。犍牛有黃、黑、赤、白、駁、雜數色。水牛有青、蒼、灰、黃、純白數色。大腹銳頭，其狀類豬。角若擔弓，能與虎鬥。又廣南有犍牛，形最卑小，爾雅謂之犍牛。牛齒有下無上，祭其齒而知其年。三歲二齒，四歲四齒，五歲六齒，六歲以後，每年接脊骨一節也。牛耳聾，其聽以鼻。牛瞳豎而不橫，其聲曰牟。在畜屬土。在卦屬坤。土緩而和，其性順也。造什權輿曰：乾陽為馬，坤陰為牛，故馬蹄圓，牛蹄圻。馬病則臥，陰勝也。牛病則立，陽勝也。馬起前足先，臥則後足先。從陽也。牛起後足先，臥則前足先。從陰也。

○牛肉養脾胃，益中氣，健筋骨之藥也。王少宇曰：牛，土畜

也。黃土色，經曰：中央黃色，入通于脾，故別錄稱為養脾

胃。益中氣之要藥。於老人小子，脾胃薄弱者，調五味作

羹食甚美。昔丹溪翁有倒倉法。王綸言牛肉本補脾胃之物。非吐下藥也。特飲之既滿。或上湧下泄爾。此蓋借其補以爲瀉。故積聚去而腸胃得所養。亦神法也。如病非關腸胃有積滯者。似難施之耳。

按倒倉論曰。腸胃爲積穀之室。倒者。推陳以致新也。胃屬土。受物而不能自運。七情五味有傷中宮。停痰積血。互相糾纏。發爲癰瘕。爲勞瘵。爲臃脹。成形成質。爲窠爲臼。以生百病。而中宮愆和。非丸藥所能去也。此方出自西域。異人其法用黃牯牛肉二十觔。長流水煮成糜。去渣濾出稠液。再熬至琥珀色。收之。連飲至數十鍾。寒月溫飲。病在上則急飲令吐。病在下則緩飲令利。在中則

令吐而利。吐利後口渴者，卽飲白朮小便利一二碗，湯滌餘垢，睡二日，乃食稀粥，養半月，精神強健，此疴悉去也。須忌牛肉五年。蓋牛坤土也。黃土色也。熟而爲液，成無形之物也。故能由腸胃而透肌膚毛竅爪甲，無所不到。在表者，因吐而得汗。在清道者，自吐而去。在濁道者，自利而除。有如洪水泛漲，陳莖順流而去。盎然渙然潤澤，枯槁而有精爽之樂也。

韓飛霞曰：治一切諸虛病，用小牛犢兒未交感者一隻，臘月殺之，去血燐毛洗淨，并藏府不遺分寸。大鐵鍋煮之用黃耆一觔，人參八兩，茯苓、陳皮、甘草、蜀椒、食鹽各三兩，官桂、良薑各二兩，醇好酒二斗同煮，水以八分爲

率文火煮爛。取出骨槌碎。同煮至爛如泥。濾取稠汁。再用絹再濾清汁。待冷。以淨磁甕盛之。埋土內。七日。每用酒調。早晚任意食之。或用白湯調服亦可。如用肥黃犬及鹿皆可依此法作之。

○牛乳

味甘。氣寒。無毒。

補虛羸。養心肺。潤燥結。解熱毒之藥也。顧

汝琳曰。牛力強氣健。乳亦稟氣血之精陰。人食之潤枯燥。養血氣。降虛火。較之人乳更妙。非若人乳有飲食之毒。七情之火也。如脾胃虛冷作泄。并膈中有冷痰積飲者。忌之。

○集方治痢。李時珍方。不効。用牛乳八兩。葦荻三錢。同煎減半。空腹頓服。

牛血

味鹹氣平無毒

解毒利腸。治金瘡。下水蛭。并治血痢便血。

之藥也。

李東璧曰。元史布智兒從太祖征回回。身中數

矢。血流滿體。悶仆幾絕。太祖命取一牛。剖其腹。納之牛

腹中。浸熱血中。移時遂甦。又李庭從伯顏攻郢州。砲傷

左脇。矢貫於胸。幾絕。伯顏命剖水牛腹。納其中。良久而

甦。何孟春在職方。問各邊將。無知此術者。非讀元史弗

知也。

肘後方

○集方治誤吞水蛭腹痛。用黃瘦牛血李時珍方熱飲二三升。次早

化猪脂一升飲之。即下出也。○治血痢便血。煮牛血拌

醋食之。

牛膽

味苦氣大寒無毒

除心腹熱。益目精之藥也。用臘月黃牛

或青牛者。釀南星末。治驚風有奇功。釀槐子服。明目治
疳濕。

○集方治穀疸食黃。用牛膽汁一枚。苦參三兩。龍胆草一

兩。爲末。和少蜜丸。梧子大。每薑湯下五十丸。○治痔瘻

出水。用牛胆蠟胆各一枚。膩粉五十文。麝香二十文。以
三味和勻。入牛膽中。懸四十九日。取出爲丸。大麥大。以

紙撚送入瘡內。有惡物流出爲驗也。

○牛角腮。味苦。氣溫。無毒。入少陰血分。

卽角尖中堅骨也。水牛角黃準牛者可用。餘皆不及。久在土中。白者亦佳。燒灰用。

○牛角腮。燒之則性澁。故止血痢。及婦人帶下血崩諸病。

○集方治大腸冷痢。準牛角腮燒灰。飲服二錢。日二次。○

千金方

近世方

治小兒滯下。準牛角鰓燒灰水服方寸匕。○治大便秘下

血黃牛角鰓一具。煨末煮豉汁服二錢。日三。神効。○治

孫用和方

赤白帶下。牛角鰓燒令烟斷。附子以鹽水浸七次。去皮。

等分爲末。每空心酒服二錢匕。

牛黃味苦氣涼。有小毒。入手少陰足厥陰二經。

陶隱君曰。生隴西。及晉地特牛胆中得之。卽陰乾。百印使燥。無令見日月光。○蘇頌曰。今出登萊州。凡牛有黃者。身上夜有光。眼如血色。時復鳴吼。恐懼人。又好照水。人以盆水承之。伺其吐出。乃喝迫。卽墮下水中。取得如雞子黃大。重疊可揭。振輕虛而氣香者佳。試法。但揩摩手背上。透甲黃者爲真。○雷斅曰。牛黃有四種。喝迫而

本草

卷一

牛角鰓

牛黃

二

得者名生黃。殺死在角中得者名角黃。牛病死後。心中割得者名心黃。初在心中。如黃漿汁。取得便投水中。清水乃硬。如碎蒺藜。肝胆中得者多。肝黃皆不及生黃。爲勝。○寇宗奭曰。西戎有犛牛黃。堅而不香。又駱駝黃。極易得。亦能相亂。不可不審。○凡用單搗細研。如麝。綿裹定。以黃嫩牛皮裹懸井中。一宿。去水三四尺。明早取之。牛黃驅風化痰。清熱解毒之藥也。主神志不守。顛狂妄動。或驚癇搐搦。忽作昏迷。或中風中惡。失音不語。或魂魄飛揚。觸事喪志。或寒熱交作。乍見神鬼。此是心虛不寧。痰迷心竅之症。不拘大人小兒。牛黃皆可治之。但牛黃爲治心之藥。必酌佐使得宜而後可。故得丹砂而有寧鎮之功。得參苓而有補養之妙。得菖蒲山藥而有開達心孔之能。得棗仁遠志而有和平臟腑之理。得歸地而有涼血之功。得金銀而有安神之美。凡諸心疾皆牛

黃所宜也。如小兒病傷乳傷食作瀉，或脾胃虛寒者，亦非所宜也。

○集方治大人小兒

方所正宗

痰熱失音，或中風中熱，中氣小兒心

熱生驚，急驚搐搦，諸證用牛黃一錢，另研細，薑汁為丸。如黃

竺黃各二錢，白朮、天麻各三錢，俱研細，薑汁為丸。如黃

豆大，大人服二丸，薑湯化下。小兒服一丸，燈心湯化下。

○治小兒驚癇百病，用牛黃一錢，膽星、鈎藤、天竺黃、茯

神各三錢，丹砂三錢，真珠、犀角、琥珀各一錢五分，俱設

法研細，加冰片五分，薑汁打神麴糊為丸。如菉豆大。一

歲兒一丸，大兒五丸為率，俱用薑湯調服。○治楊梅結

毒，用升黃一錢，鍾乳石火燒，丹砂各五錢，真珠微炒，二

錢共研極細末。每服五分。土茯苓湯下。⑤治痘瘡黑陷。
用牛黃五釐。丹砂六分。同研細末。紫草泡湯調服。并搽
痘上。⑥治一切腫脹。用牛黃一錢。蟾酥一錢。俱用酒潤
化。生半夏三錢。研細末。巴豆肉去油。取霜二分。草麻子
肉去油。取霜五錢。冰片五分。共研極細。和勻。調入牛黃
蟾酥。拌勻。用蜒蚰五十個。共搗勻。爲丸。如粟米大。每早
服十四丸。放舌上。取津唾嚥下。

阿膠味甘微苦。氣平。無毒。氣味俱薄。浮而升。陽中陰也。入
手少陰。足少陰。厥陰經。

別錄曰。阿膠。出東平郡。東阿縣。有官。今禁之。鄒氏水經
註云。其井大如輪。深六七丈。歲常煮膠。以貢天府。其井
乃濟水所注。取井水煮膠用。攪濁水。卽清。性下趨。質清
且重。煮法。必取烏驢皮。或烏牛皮。洗刮淨。去毛。急流水
中浸七日。入大鍋內。漸增阿井水。煮三日。夜則皮化。濾
清。再煮稠。貯磁盆中。乃成。冬月易乾。其色深綠。且明亮
輕燥而脆。味甘而淡。乃佳。亦須陳久。方堪入藥。古方取
烏牛皮。浸洗淨。亦可煎膠。凡造阿膠。自十月至二月間。
用烏驢皮。或牽牛水牛皮。爲上。修治。凡用。須用小麥麩。
拌炒成珠。或以蛤粉拌炒成珠。或以酒頓化。或以滾湯
頓化。各從其製便也。但貴烏驢皮者。取烏色屬水。以制
熱。則生風之義。處氏曰。或云。濟水所注。蓋濟爲楚。隱則
伏流。顯則湧出。與阿木質之清重。甘之下趨。似不相符。
難考其所從來矣。驢力在臙。臙。腹前也。顧力在臙。色專
者黑。指專

○阿膠。養肺。滋木。養肝。濟水。養腎。平火。養心。潤土。養

○脾。培養五藏陰分不足之藥也。李秋江曰。此得水氣之陰。其補精之質。得甘平之味。故陳氏本草主衄血。吐血。咯血。唾血。溺血。便血。腸風。糞血。崩中。下血。經漏。脫血。淋瀝不止。或胎動不安。血虛腹痛。或兩目昏眩。血虛頭旋。或虛火喘促。咳嗽血痰。而成肺痿。肺癰。或熱傷營絡。下痢純紅。而腹痛不止。惟此藥補血益陰。調榮養液。故能療如上諸證也。然其氣味雖居和平。而性質粘膩。如胃弱嘔吐。有寒痰。留飲者。脾寒飲食不消。運者。又當忌之。唐子繇先生曰。緣水性之下趨。故潤膈疎痰。降淤濁。及上逆之血也。協皮革之外衛。故治內損脫血。崩淋血痢。蓋酒也。藉火力之前熬爲膠。以成土化。如藏之五勞。

形之六極以及四肢經隧或涸或汚爲痠爲痛如胎孕不固之下墜等證咸需用之獲効實無量也

○集方治肺損嘔血

以下十三方俱集方系正宗

用真阿膠三錢滾湯泡化麥門冬五

錢煎湯調和服○治肝虛脇痛目昏筋脉痿弱用真阿

膠三錢葳蕤一兩白芍藥五錢敗龜板七錢水煎服○

治腎虛腰脊痿軟遺精盜汗用真阿膠三錢人參一錢

北五味七分枸杞子麥門冬各五錢懷熟地四錢水煎

服○治心虛火盛煩渴不寧用真阿膠三錢懷生地五

錢人參棗仁麥門冬各二錢北五味七分蓮子四錢水

煎服○治脾虛血燥人便秘結用真阿膠三錢懷生地

麥門冬肉蓯蓉各五錢知母四錢水煎服○治吐血衄

血咯血唾血。用真阿膠三錢。生蒲黃。懷生地。各五錢。黃
芩三錢。燈心五十根。水煎服。○治溺中血。用真阿膠三
錢。茜草。懷生地。白芍藥。地骨皮。各二錢五分。車前子一
錢。水煎服。○治糞前糞後便血。或腸風瀉血。用真阿膠
三錢。蒼朮。米泔浸炒。赤石脂。炮薑灰。各五錢。北五味子
一錢。水煎服。○治婦人崩中下血。或經漏脫血。淋瀝不
止。用真阿膠四兩。川續斷。牡丹皮。丹參。當歸身。懷生地。
各三兩。白朮二兩。熬膏煉蜜收。每早午晚各服五錢。入
參湯調服。○治血虛腹痛。或胎動不止。用真阿膠三錢。
當歸四錢。白芍藥。懷熟地。各五錢。砂仁殼。丹參。白朮黃
芩。各二錢。川芎一錢。水煎服。○治血虛頭旋。兩目昏眩。

用真阿膠二兩。蛤粉拌炒成珠。天麻、當歸、白朮、黃芩、密
蒙花各二兩五錢。川芎、牡丹皮各一兩。俱用酒拌炒。研
爲末。煉蜜丸。梧子大。每服二錢。臨睡菊花湯送下。○治
虛火喘促。咳嗽血痰。將成肺痿肺癰。用真阿膠三錢。桑
白皮、懷生地、川貝母、紫苑、白部、百合、廣陳皮、薏苡仁、牛
膝、茯苓各二錢。水煎服。○治熱傷營絡。下痢純紅。腹痛
不止。用真阿膠三錢。白芍藥、川黃連、懷生地各二錢。甘
草、炮薑灰各一錢。茯苓一錢五分。水煎服。○治妊娠下
血。或痢血。或瘧疾。或久咳嗽。或衄血。吐血。用真阿膠三
錢。黃芩一錢五分。茯苓、甘草各一錢。水煎服。○治小兒
驚風後。瞳人不正者。以真阿膠、人參各二錢。水煎服。

治虛勞咳怯之人。患痢疾腹痛。下赤白者。用真阿膠二錢。白芍藥三錢。甘草白茯苓桑皮各一錢。桔梗五錢。水煎服。積毒甚者。加川黃連八分。黃芩一錢。腹痛下重不行者。加枳殼一錢。火煉大黃八分。○治虛勞咳怯之人。下純血痢。用真阿膠三錢。懷生地五錢。白芍藥四錢。白茯苓二錢。當歸身一錢。川黃連八分。水煎服。○治吐血。先吐痰而後吐血者。是積熱也。用阿膠。生地。白芍。桑皮。黃芩。天麥二冬。紫苑。玄參。知母。各二錢。甘草七分。水煎服。○治吐血。先吐血而後吐痰者。是陰虛也。用阿膠。黃柏。生熟二地。天麥二冬。白芍藥。知母。黃芩。沙參。山藥。玉竹。各二錢。甘草七分。水煎服。

黃明膠味甘氣平無毒可升可降入手陽明太陰經

李氏曰黃明膠即牛皮膠也。乃牛皮煮化。濾去渣屑。凝結者。其色黃明。今工作木器中。用以代漆。甚堅。人藥功用。與阿膠彷彿。阿膠古方亦用牛皮煎煉。但水係阿井所汲耳。

○牛皮膠止諸般失血之藥也。梁心如曰其性粘膩其味甘澀入服食藥中固氣欽脫大有神功。故普濟諸方用治吐血衄血崩淋痢血於久患不愈之疾與阿膠彷彿通用。但其性味平補宜於虛熱者也。如散癰腫調膿止痛護膜生肌則黃明膠又邁於阿膠一籌也。善是業者當留意於斯焉。

○集方治吐血衄血咯血唾血嘔血崩血淋血痢疾下血諸證用牛皮膠一兩剪碎麥麩拌炒成珠研細末配黑

蒲黃、黑舊炭各五錢。俱研極細末。每服三錢。溫米湯調

下。○治癰疽未成已成。用牛皮膠一兩。酒溶化。厚敷毒

上未成即消。已成即出膿。膿後再敷。即長肉生肌。每日

再用一兩。酒溶化。毒在上。食後服。在下。食前服。

獸部 野獸類

虎骨味甘辛。微熱。無毒。可升。可降。入手少陰。足厥陰經。

蘇氏曰。虎者北東西四方皆生。深山窮谷者。多有之。爲山獸之長也。狀如貓。而大如牛。色有黃白黑。或有斑駁雜花諸色。其聲吼如雷。其牙如錦。其爪如鉤。其鬚健而有尖。其舌大而如掌。生倒刺。項短鼻隨。夜視一日放光。一曰看物。從風而行。百獸震恐。易卦通驗云。立秋虎始闕仲冬虎始交。又云。月暈時虎交。又云。虎孕七月而生。不再交。又云。虎噬物。隨月旬上下而嚙。其首尾其持物三趾不中。則捨之。食則則醉。聞羊角則走。吞蜩則死。見獅子。鄒虞渠搜。則屈而伏。見水牛則鬪。而力有怯有健者。又有海魚變虎。老人變虎。虎變老人之異。

○虎骨去骨節風毒之藥也。蔡心吾曰。虎乃西方之獸。毛

蟲之長也。屬金而氣最猛。性最有力。語云。風從虎者。風

也。虎。金也。木受金制。爲得不從。故虎嘯而風生。自然之道也。故甄氏本

草治一切風病。筋骨攣急。屈伸不便。走注疼痛。及心風

驚癇癲疾等證。然虎之一身氣力皆出前足。強悍皆賴於脛。故入藥以脛骨爲勝。而楊士行言。總而論之。虎骨驅風徧體。是可通用。今析而分之。凡辟邪惡治驚癇癲疾。及頭風等病。當用頭骨。治腰背諸風。當用脊骨。治手足諸風。脚膝無力。當用脛骨。各從其類也。雖稱治風之劑。倘屬血虛不能養筋。而生風者。氣虛不能攝涎。而生風者。又當君以參、耆、歸、朮、芍、地、輩。同劑方獲全効。

○集方治一切風毒痿癱。腰脚無力。筋骨拘攣。痿弱不能步履。用虎骨四兩。白芍藥、懷生地、刺蒺藜、川草薢、枸杞子、羌活、根油、松節、黃柏、蒼朮、白朮、秦艽、當歸、牛膝、木瓜、茵陳、各二兩。乳香、沒藥、各一兩。好酒三十壺。浸蒸。每早晚隨量飲。○治中邪惡鬼。連及小兒驚癇。大人癲疾。用虎骨、麻汁半盞。牛黃三分。天竺黃、膽星各一兩。五錢俱研極細末。每晚服五分。用虎骨汁調服。○治休息肩疾。經歲不愈。取虎骨四兩。酒炙。晚研末。每服三錢。米湯服。

象牙味甘氣寒無毒

李氏曰象出交廣雲南及西域諸國野象多至成羣番人皆畜以負重。身長出入乘之有灰白二色。形體羣腫。面目醜陋。大者身長丈餘。高八九尺。肉倍數。生目雖若豕。四足如柱。無指而有爪。用行則先移左足。臥則以臂着地。其頭不能俯。其頸不能回。其耳大如扇。其鼻大如臂。下垂至地。鼻端甚深。可以開合。中有小肉爪。能拾針芥。食物飲水。皆鼻卷入口。一身之力。皆在於鼻。故傷之則死。耳後有穴。皮肉甚薄。刺之亦死。口內有食齒兩吻。出兩牙。夾鼻。雄者長六七尺。雌者僅尺餘耳。其膽隨四時。春在前左足。夏在前右足。秋在後左足。冬在後右足。牡牝相交。則在水中。以胸相貼。與諸獸不同。許氏曰。三年一乳。五歲始產。六十年形體骨力方足。其性能久識。嗜芻豆。甘蔗。茶酒。而畏烟火。獅子。巴蛇。殺野象。多設機。筭以陷之。或埋象糞於路。以貫其足。捕生象。則以雌象為媒。而誘獲之。飼而狎之。久則漸解人言。使象奴牧之。製之以鈎。左右前脚。罔不如命也。其肉甚肥。堪作炙。惟鼻肉多食糟食。更美。彼土人捕得爭食也。其皮可作甲。親鼓。濕時切條。可貫器。物。西域最重其牙。用飾床椅。中國貴之。取為朝笏。每脫牙。自埋藏之。南番諸國人。潛以白木作牙。易取焉。又真臘風土記云。用象牙殺獸者。上

山自死者。次之。脫於
山中。多年者下矣。

○象牙治驚癇迷惑之藥也。陳赤葵曰。象性勇猛。而牙善

脫。雖屬獸類。而機巧神悟。靈慧若人。如開寶方。以牙屑

主驚癇驚搐。一切精物。和魅者。以神悟應之也。又敷諸

鐵器。及雜物入肉者。以脫而治皮肉間有形之物也。又

外科方。以牙屑治惡瘡。拔毒生肌。去漏管。亦同此義。

○集方治驚癇驚搐。或風癇迷惑。人事昏聩。及一切精物

和魅。作祟者。用象牙屑一兩。天竺黃。雄黃。丹砂。各五錢。

俱為極細末。牛黃七分。麝香五分。總研勻。每服七分。白

湯調服。○治金銀銅鐵錫一切器物。及雜樣物入肉者。

以象牙末。雞子清調敷立出。○治通腸漏病。能去管者。

以象牙屑一兩、枯礬、金頭蜈蚣各五錢，俱爲極細末，黃蠟二兩熔化，入香油二錢，待滾卽入前藥末，攪勻，捻成丸，梧子大。每早晚各食前服三錢，白湯下。○治小便不通，脹急者，以象牙屑五錢，生煎服。○治小便過多，用象牙屑五錢，燒灰，米飲調服。

○象膽

味苦，微甘。氣寒，無毒。其膽陰乾，皮上光膩，有青竹紋，裏不與也。膽同類也。

日華子

藥也。蘇水門曰：諸膽皆附肝生，獨象膽隨四時運行，四足可稱神物矣。第苦寒明肅之性，故日華子言明目去翳障，與熊膽同功。淨下疳瘡爛，一切熱毒諸證。

○集方

治目疾翳障

方脈正宗用象膽分許，水潤化，點兩目眥內。○

治下疳瘡，破爛不收，用象膽一塊，泡湯頻洗，腐穢自去。

肌肉生長矣。

○象皮

味甘氣溫無毒

暖肌肉。治金瘡不合之藥也。葛風寰曰：象

皮堅實。以斧刃刺之。半日即合。因象體氣壯力弘。皮堅肉暖。今內府有象皮膏。治一切刀斧傷瘡。及經年瘡毒。氣冷血凝。潰水不收者。以膏藥一塊。入瘡口內。外以厚軟油綿紙攤膏貼之。數日即收完。誠良法也。

犀角味苦酸鹹氣寒無毒氣薄味厚陽中之陰降也入手太陰少陰足厥陰少陰經。

陶隱居曰犀出海南山谷及武陵交州寧州南海西番南番諸處海南者爲上黔蜀者次之花紋通透者爲上山花紋隱混者次之李氏曰犀有山犀水犀兕尾三種山犀水犀金有二角又有毛犀似之山犀居山林間人多得之。水犀出水中最爲難得海南者爲上狀似牛猪首大腹卑脚三蹄前脚直而無膝依木爲息木倒則仆不易起也舌有刺喜啖竹木棘及毒物飲濁水不欲自見其影皮孔三毛如豕有一角二角三角者一在頂上一在額上一在鼻上鼻上者小而無頂額者每歲一落自埋山中土八作木角潛易之再三不離其處若直取之以後退落必藏他處矣二角者鼻角長而額角短一角者有鼻無額有額無鼻鼻角者胡帽尾額角者兕犀也兕犀北犀也毛色青皮堅可以爲鎧又有毛犀二角所謂卷犀也又有水犀出入水中最爲難得皮中有珠思山犀無之按異物志云東海水中有一犀牛樂聞絲竹之音彼人勸樂則出而聽之因而采之然犀角優劣觀犀紋細通寒以爲差等紋如魚子形者謂之栗紋紋中有眼者謂之栗眼黑中有黃花者謂之正透黃中有

黑花者謂之倒透花中復有花者謂之重透並名通尾乃上品也又紋有倒插者一半以下通紋有正插者一半以上通紋有斷股插者中段不通亦名通尾又角上有一白縷直上至端夜露不濡謂之通天尾漢書有駭雞尾置米飼雞驚駭不敢啄置屋上烏鳥不敢集尾角有最大者一枝重七八觔名墮羅犀云是牯犀額中之角又有花紋多如撒豆斑色夜視有光者曰夜明犀通神分水禽獸見之皆驚乃絕品也又有理文盤結作百物形者亦稱上品又有花如椒豆斑色者次之烏犀純黑無花紋者爲下兕角理紋細膩斑白分明不混者不可入藥如奴犀特犀病水犀犛子犀無潤犀俱不可用惟取肌皺折裂光潤者剉屑以薄紙裹置懷中蒸燥乘熱搗之應手成粉故歸田錄云翡翠銷金人氣粉犀此亦異也○陳氏曰又山海經有白犀開元遺事交趾所貢有辟寒尾色如金冬月駭氣襲人白孔六帖有辟暑犀色如玉夏月藏室中涼氣襲人又嶺表錄有辟塵犀爲簪梳犀用塵不近身又杜陽編有竈忿犀佩之令人去忿怒皆希世之奇珍也又淮南子云犀角置狐穴中狐不敢出入如溫嶠過武昌牛渚磯下多水怪嶠燃犀角照之而水怪見形則犀角之精靈辟邪可見矣○牯犀紋大牯犀紋細又川犀南犀紋細烏犀有紋顯露黃犀紋絕少皆不及西番者紋高而脚顯也既云通尾

必須紋頭顯者黃黑分明。
有兩脚潤滑者爲第。

星

○犀角。涼心鎮肝。散瘀血。解熱毒之藥也。吳養元曰。犀食
百草之毒。及衆木之棘。故能解毒。角乃犀之精靈所聚。
胃爲水穀之海。食飲藥物必先受之。風邪熱毒必先干
之。故前古解一切百毒蠱證。瘴熱邪惡。或傷寒瘟疫邪。
熱譫妄。或中風痰熱。迷惑失音。或熱極失血。吐衄上逆。
或驚癇熱疾。搐搦轉加。或痘瘡熱極稠密黑陷。或瘡疹
熱極內悶不清。或肝熱生翳。目睛蒙混不明等證。犀角
並皆治之。此乃安心定志。涼血清神之劑。凡入蠱毒之
鄉。飲食以此攪之。有毒卽生白沫。無毒則否。如痘瘡氣
虛乾枯黑陷者。傷寒陽虛陰極發躁者。陰寒在內。浮陽

在外發熱口渴。上衝咽隘。面赤煩嘔。喜飲涼物。食下良久。卽復吐出。六脉數細躁亂不寐者。此屬陰寒之證。犀角慎勿投也。

○集方解一切百毒蠱證。用上好真烏犀角。白湯磨汁半

碗。調真紫金錠二錢。服立解。○治瘴熱中惡。用真烏犀

角。磨汁半盞。和燈心湯調服。○治傷寒瘟疫。語邪譫妄。

因於熱者。用真烏犀角。磨汁半盞。和白虎湯調服。○治

中風痰熱。迷惑失音。用真烏犀角。磨汁半盞。用枋風天

麻。白朮。羌活。當歸。半夏。各二錢。細辛。八分。人參。一錢五

分。甘草七分。水煎半碗。和服。○治熱極失血。吐衄不止。

用真烏犀角。磨汁半盞。童便半盞。用生地黃。牡丹皮。川

黃連炮薑炭白芍藥各二錢甘草七分水煎和服。○治
小兒驚癇熱疾搐搦不定用真烏犀角磨汁半盞用天
竺黃鈎藤膽星茯苓各二錢半黃五釐共研極細每服
五分犀角汁調服。○治痘瘡熱極稠密黑陷用真烏犀
角磨汁半盞用升麻乾葛紫草葇桔梗甘草各一錢水
煎汁半盞和服。○治瘡疹熱極內悶不出用真烏犀角
磨汁半盞用西河柳五錢牛蒡子二錢桔梗玄參薄荷
升麻甘草各一錢水煎汁和服。○治肝腎虛熱目瘡不
明用真烏犀角磨汁十餘匙每晚食後燈心湯化服。
續補方治痘瘡血熱初見點紅豔壯熱口渴煩燥狂語
用真烏犀角磨汁十餘匙用生地黃紅花子麥門冬紫

嬰兒全錄

有全錄

草牛蒡子黃芩各二錢甘草一錢水煎半盞和服○治

小兒恍惚驚悸痰涎壅塞或嚼舌仰目用真烏犀角磨

汁廿餘匙調抱龍丸服○治中風不語或中惡氣絕一

切神魂恍惚癲狂擾亂用真烏犀角磨汁一盞用天竺

黃丹硃雄黃天南星各一兩玳瑁屑琥珀各一兩二錢

人參八錢焙俱研極細末再加冰片麝香牛黃各一錢

五分金箔銀箔各三十張再總研勻以犀角汁和入再

加煉白蜜少許和丸如梧子大大人服五丸或七丸小

兒服二丸或一丸俱用生薑泡湯化下○治中毒藥箭

以真烏犀角末抹瘡中立愈○治下痢鮮血用真烏犀

角一兩鎊屑地榆懷生地各三兩共為末煉蜜丸梧子大每服三錢白湯下

羚羊角味淡氣寒無毒氣薄味厚陽中之陰降也入手太陰少陰足厥陰經。

別錄曰羚羊出石城及華陰山谷今出建平宜都諸蠻山中及西域形似羊毛青而細夜宿獨棲嘗掛角樹上兩角者多一角者更佳其角白亮如玉長七八寸細如人指有節處處圓繞灣而深銳緊小有掛痕者爲真其節亦密內有天生木胎者別有山羊山馬角頗相似不可不審但山羊山馬角大而節疎僅一邊有節也修治以鐵銼剉細更研萬轉搗篩極細入藥用免利人腸。

○羚羊角安神志治驚惕却鬼魅不祥之藥也白尚之曰羚羊獸之至靈而筋骨之精所注在角其質至堅其性至神又角內有木胎乃厥陰風木之劑焉故前人治肝虛內熱驚惕夢寐爲狂怒爲搐搦如大人中風小兒驚風是所必需者也又如傷寒時氣溫風注毒留在肌膚

邪熱厥氣伏在骨髓。或心驚狂動。煩亂不寧。或譫語無

倫。人情顛倒。悉屬厥陰。風木爲青。投此卽定。有以類相

感之効也。已上諸病。若心肝二經。虛而有熱者。宜之。倘

虛而無熱者。勿用也。

本草發明曰。羊。火畜也。而羚羊則屬木。故其角入厥陰

肝經。同氣相求也。肝主木。開竅于目。其發病。爲障翳目

暗。而羚羊角能清之。肝主風。在合爲筋。其發病。爲小兒

驚癇。婦人子癇。大人中風搖擗。及筋脉攣急。唇節掣痛。

而羚羊角能舒之。魂者。肝之神也。其發病。爲驚駭恐怖。

狂越僻謬。癎寐卒死。而羚羊角能安之。血者。肝之藏也。

其發病。爲產後血氣瘀滯。下注毒痢。積熱。瘡疹。餘毒。而

羚羊角能散之又相火寄于肝膽在氣爲怒病則煩懣
氣逆食噎不通及時氣寒熱傷寒伏熱熱蒸肌骨時愈
時發而羚羊角能降之羚羊之性靈而筋骨之精在角故
又能辟邪惡而解諸毒碎金剛石而燒烟走蛇虺也農
皇本經與陶氏別錄兩著其功而近俗罕能發揚惜哉

李時

珍撰

方脈正宗

○集方治肝虛內熱時驚惕時夢魘時狂怒時搖擗或大
人中風小兒驚風及五癇癰癩人事狐惑一切心神失
靈肝神昏亂諸證用真羚羊角白湯磨汁半盞以半夏
當歸防風天麻茯苓棗仁人參白朮鈎藤各三錢水煎
一鍾和角汁服立安小兒減十分之七○治傷寒時氣

寒熱伏熱汗吐下後餘熱不退或心驚狂動煩亂不寧或譫語無倫人情顛倒脉仍數急遷延不愈用羚羊角磨汁半盞以甘草燈心各一錢煎湯和服○治肝經風熱內盛目昏翳障用羚羊角磨汁半盞以草決明黑山梔薄荷葉防風黃芩葳蕤甘菊花各二錢煎湯和服○治血虛筋脉攣急或歷節掣痛用羚羊角磨汁半盞以金銀花一兩五錢煎湯一碗和服○治產後血氣不和濟陰全書或失血過多形神憔悴或淋瀝不淨時止時來用羚羊角磨汁半盞以當歸三錢懷熟地二錢白芍藥一錢五分川芎一錢煎湯和服○治時行毒痢下血不止用羚羊角磨汁半盞以阿膠二錢白芍藥一錢五分川黃連

一錢甘草五分煎湯和服○治痘瘡後餘毒未清隨處
痛腫用羚羊角磨汁半盞以黃耆金銀花各二兩煎湯
和服○治肝熱復爲鬱怒所觸漸致食噎不通用羚羊
角磨汁半盞和白湯半盞薑汁三茶匙徐徐服

山羊血味甘氣溫性熱無毒通行藏府一十五經絡三百

六十五關節諸處

陶氏曰山羊出羌夷及西夏廣西其形似大有角其性
善鬬雖力極不死李氏曰有二種一種角大盤環體重
百觔者一種體稍小而角細者出則二三羣行發力如
箭莫可色視捕者張夾網羅之取血凝成色如乾漆

○山羊血行血活血省暖週身血脉之靈藥也倪朱謨曰
此獸中最猛健而力善攫者其血大能活血散血如人
苦受杖打血凝垂死跌撲內損血脹垂絕或內傷藏府

筋骨膜絡外損血脉破裂皮肉色變氣將絕者用一二
釐溫酒調化灌入喉中卽生市者多以他物僞充售受
者惟以見効方真戊午闔中一儒懷挾受杖氣絕服二
釐鄰家一僕主命掃屋失悞墮地跌傷頭腦血出不止
先用古石灰敷蓋傷處血雖止人事昏暈一日不甦服
一釐一鄉人偶觸管卒衆卒攢打垂死服二釐俱用溫
酒調化下嚥卽活此三人朱自試用見効特紀以聞
其肉大補虛勞脫力內傷筋骨痺弱又治男子精寒髓
乏陽事不振或婦人積年淋帶腰脊痠軟血冷不育等
證用酒煮爛和椒鹽作脯食甚佳

鹿茸味甘氣溫無毒氣薄味厚陰中之陽也入手足少陰

厥陰經。

抱朴子曰深山多鹿每一牡遊北十數至春羸瘦入夏
惟食菖蒲卽肥當解角之時其茸甚痛獵人得之以索
繫住取落茸然後斃鹿血氣未散蓋其力盡在血中故
也色如紫莖其實難得取時不可太嫩又不可太老惟
長二三寸形如馬鞍分岐茸端似瑪瑙紅玉色破之肌
如朽木者最善今殺鹿後取茸連頂骨者力稍不及錄

○鹿茸峻補元陽充實血氣生長精髓健利筋骨溫養腎

命之藥也茹曰江曰按沈存中筆談云凡含血之物肉

易長筋次之骨最難長故人自胚胎以至成人三十年

骨髓方堅惟麋鹿之角自生至堅無兩月之久大者至

二十餘觔計一日夜卽生數兩凡骨之生無速於此此

所以能補骨血堅陽道益精髓也况頭爲諸陽之會鹿

之精血。上鍾于茸角。豈可與凡物比哉。故治療虛損之功。邁于參耆附桂之上。較之鹿之角膠。而茸更十倍之力也。如龍潭藥性云。治男子勞傷不足。真陽頓損。手足寒麻。脚膝無力。或遺精夢泄。小便不禁。治婦人久崩漏下。真陰日虧。頭眩欲仆。腰脊冷疼。或夢與鬼交。白帶時下。治小兒痘瘡虛白。漿水不充。或大便泄瀉。寒戰咬牙。治老人脾腎衰寒。命門無火。或飲食減常。大便溏滑諸證。

○集方治已上諸證。與鹿角膠。配用諸藥同。惟小兒痘瘡漿清不濃。作瀉而寒戰者。用鹿茸配入異攻散。○治老人脾腎衰寒。食少大便泄者。用鹿茸配入桂附八味丸。

麝香。味辛。氣溫。性散無毒。氣味俱厚。可升可降。入足太陰。手少陰經。

蘇氏曰。麝多生陝西。河東。益州。秦州。文州等處。諸蠻夷中尤多。新州。光州。或時亦有。陶氏曰。形似麝。而小。色黑。褐。膏食朽葉。夏月多咬蛇蟲。至冬香積。人春滿甚。便自剔去。香生陰莖前。皮內別有膜袋。盛之。性多忌。所遺糞。皆就一處。雖遠。逐必還走之。不敢遺迹。他所慮為人獲。人反以是求得。必掩羣而獲之。釋獸云。虎豹之文。來田。麝。麝之香。來射。則其皮與麝之爲累也。凡用須辨真偽。生香。心結。雖不易得。但取香。麝中之當門子。然之如血絲。捐之如桃花瓣。腺甚者始真。縱膜囊完固。尤多偽造。分三種。第一。名生香。卽自剔出之遺香也。但不易得。香聚之處。草木不生。帶過樹林。瓜果。皆敗。是其驗也。其次。名麝香。卽捕得殺取者。其三。名心結香。卽麝過山獸。捕逐。驚畏失心。狂走墜死者。人得之。破心。見血流出。脾上。作乾血塊者。不堪入藥。又一種。名水麝香。脾中惟水。卽取其藏錫器中。不走香氣。滴一點于斗水中。用酒衣服。經年香氣不散。此物性惟愛脾。爲人所急逐。卽投巖。舉爪。剔裂其香。就繫而死。猶拱四足。保其脾也。酉陽雜俎云。唐天寶初。虔人獻活麝。養於囿中。以針刺其脾。

取香。捻以雄黃末。則臍復合。其香倍于肉麝。又有靈貓。似麝。生南海山谷。如獼身。亦曰鈴狸。其臍香亦可充麝。其毛可以爲筆。寫書不鈍。修治。向日開之。配他藥。微研川。

○麝香。開經絡。通諸竅。透肌骨。辟蛇蠱諸毒之藥也。方

益明曰。此藥辛香走竅。能自內達外。凡毫毛肌肉骨節

諸竅。凡有風寒火氣痰涎血食鬱滯不通者。以此立開。

按農皇本經。主辟惡氣。化蟲積。散蠱毒。殺鬼精物。血瘕。鬼胎。

之如聖惠方。入瘍科用。微膿血。去死肌。入眼科用。退翳

障。散瘀血。入婦人科用。下難產。落胎孕。入嬰兒科用。定

驚癇。吐風痰。入方脈科用。通關竅。活痰結。解瓜果食積。

積。活塊癥瘕。諸證。蓋取此辛香芳烈。借其氣以達于

推陳而致新也。方氏曰。雖爲清氣散邪之藥。如中

惡邪氣。心腹暴病。痛脹痞急。痰閉氣滯。諸疾一時暫以
開通。開通之後。不可復用。凡氣血兩虛。似中風證。小兒
慢脾驚風。與夫陰陽虛竭。發熱吐血。氣虛眩暈。氣虛痰
結。血虛痿痺。血虛目翳。心虛驚悸。肝虛癰瘕。胎前氣厥。
產後血暈。中虛痞脹。諸證或癰疽膿血已泄。新肉將長
之時。麝香槩勿輕用。

○集方見諸證條下。此不復贅。

臘臍臍味鹹氣熱無毒可升可降陽也入足太陰少陰經

又名海狗腎

范氏曰臘臍臍山突厥新羅女直及三佛齊國今遼西營州及登萊州時或有之毛色似狐似鹿頭似狗足似犬尾似魚而長入藥用外腎而曰臍者連臍取之也試其臍於凍月衝風處置水盆中浸之不冰者爲真或置臍犬頭上其犬忽驚跳在走者亦真也雷氏曰修治取外腎并臍切碎酒浸一日烘乾搗細用

(○) 臘臍臍與陽補腎壯精助房力之藥也陳赤葵曰性熱壯陽如腎氣衰弱精寒髓冷陽絕莖痿者服此立振而起如藏器方治積年心腹冷痛或宿血結塊或癥瘕寒疝或四肢冷麻無力或腰脊肩背久疼等證蓋因陽氣不充血液衰少故諸邪纏症爲病也此藥壯助元陽暖血生精溫潤筋骨近世滋補丸料多用此者精不足補

之以味也。他如陰虛火熾。陽強不倒。或陽事易舉。及骨蒸夜熱。勞嗽吐痰等候。咸在所忌。

刺蝟皮。味苦。氣平。無毒。

蜀圖經曰。刺蝟。生吳楚山谷。狀如獾。大者如菴。小者如兔。毛刺隨體。形又如茨房。其頭嘴似鼠。刺毛似豪豬。脚短尾長。色或白。或灰色。乾蝟皮。并刺作刷。治鼠白。絕佳。土人畜養者。

○刺蝟皮。止五痔。下血。陰蝕。瘦瘡。血。汁。涓涓之藥也。朱正泉曰。此物伸屈不時。千毛萬刺。力通百絡。以透孔竅。故前古消五痔蝕癢。延生。以此酒浸。火炙乾。研末。空心白湯調服。三錢。七個。全愈。

鹿角膠味甘氣溫無毒氣薄味厚陰中之陽入手足少陰。

厥陰經。

繆氏曰鹿者仙獸自能樂性遊處山林從事雲泉志無忌性警防善接其類與麋為友有角無齒者牡曰麋無角有齒者牝曰鹿無齒謂無齧齒若下齧則牝牡咸有與禽鳥之與角無齒似同而實異也李氏曰隨處山中有之馬身羊尾頭側而長脚高而行連北小子牝毛雜黃白牝大于牝毛間黃白故云牡質斑斑斑斑點點如星星也行則同旅食則相呼性喜食藟能別良草不食諸毒分背而食食則羣長四顧相望俟衆飽長乃食羣小互為巡視矣集居必環角外向臥眠必口接尾間性善決繫故其跡隨而不瓜詩云則曠鹿場言町畦村曠無人焉故鹿以為場也物類考云鹿好羣而相比陽類也故夏至感陰氣而角解從陽退之象爾麋則冬至感陽氣而角解從陰退之象爾鹿孕子于仲春而生于秋鹿孕子于仲秋而生于春其子曰麋子生得雨或水乃行地耳格物論云鹿千年者色蒼又五百年者色白再五百年者色玄玄之又玄仙化登乎天矣埤雅云鹿六十年懷孺于角下者角有斑痕紫色如點行或有涎出于口不復能急走也故曰鹿戴玉而角斑魚懷珠而

麟紫故有諸中。未有不形諸外矣。陶隱居云。今荆楚之地。其鹿大。絕似馬。當解角時。至之無辨。土人謂之馬鹿。以是知趙高指鹿為馬。蓋因似以作誑爾。角解之後。始生之角曰茸。色如茄紫者為上。修製鹿角膠法。用鹿角五十觔。寸截。用淨水浸二日。入大鍋內煎。以水二大担。煎去其七。濾出汁。其渣再用淨水煎。如前法。其角酥。即成鹿角霜矣。其汁合初次汁。入砂鍋內。慢火煎熬。以挑拂枝。不住手攪。以凝為度。即成膠矣。用淨銅杓。兜入盆內。冷凝。以刀劃成塊。每早晚。用好酒一鍾。頓膠二錢。茶化服。李時珍

○鹿角膠。壯元陽。補血氣。生精髓。暖筋骨之藥也。陳月坡

曰。鹿。陽獸也。臥則口接尾間。以通督脉。性喜食龜。以交

任脉。夏至。其角自解者。有陽足陰生之象。然一身皮肉

筋骨腸胃。皆能養人之陽。而角又陽質陰精之銳氣在

是焉。故前古主傷中勞絕。腰痛羸瘦。補血氣精髓筋骨

腸胃。虛者補之。損者培之。絕者續之。怯者強之。寒者暖

之。此係血屬之精。較之草木無情。更增一籌之力矣。如薛氏方主婦人血冷阻閉。子嗣不育。或血潰崩流。淋瀝作痛。又安胎元。止半產。陽虛多汗。陰虛遺精。血寒脫血。諸證能峻補腎命。通調營衛。功無匹矣。如腸胃有鬱火者。陽有餘。陰不足者。諸病因血熱者。俱忌用之。苟非精寒血冷。陽衰命門無火者。不可槩用。

○集方治五

方脈正宗

藏陽虛氣弱精血內損傷中勞絕頭眩目暈

耳鳴耳聾四肢無力腰脊痠疼脚膝痿軟或小便下墜欲遺或精水不時溢出或久痢久瘧遷延不休或久漏癰瘍膿水不淨或男子陽絕無子婦人陰痿不育或經歲久崩淋瀝不斷或頻年白帶下脫不痊或胃腸久虛

澹瀉不實凡一切虛寒痼冷久頑不愈之證並皆治之
用鹿角膠一觔剪碎麥麴拌炒人參八兩白朮當歸白
芍藥枸杞子石斛杜仲茯苓山藥補骨脂女貞實覆盆
子黃耆各四兩肉桂木香砂仁各二兩俱酒拌炒共研
爲極細末煉蜜丸彈子大每服二九早晚米湯化下○
一方用鹿角膠二錢龜板膠一錢酒一盞浸過夜清晨
隔湯溶化日日服之悅顏色養精神補腎命於老人爲
延年養生却病良藥

○生鹿角味鹹氣溫有毒散熱行血消腫辟毒之藥也以刀刮屑

白酒調服二三錢○鹿角霜味清氣溫無毒收濕止痢去婦人

白帶之良方每早晚白湯調服三錢

鱗部 龍類

龍骨味甘溫氣平無毒可升可降陽中之陰入手足少陰厥陰經。

別錄曰龍骨出晉地雷氏曰太山剡州滄州太原山嶺水岸土穴中此龍化解脫之處仰有也其骨細其文廣者雌其骨粗其文狹者雄五色具者上白黃色者中純黑者下矣蘇氏曰各隨五色合五藏如五芝五石脂五石英之入五藏也爾雅翼云鱗蟲三百六十而龍為之長說文云龍者分登天秋分潛淵陰中之陽故夏月龍舉而雲興物之至靈者也盧氏曰按淮南子云羽毛鱗介皆屈于龍羽嘉生飛龍飛龍生鳳凰而後鸞鶴庶鳥凡羽族者以次生焉毛犢生應龍應龍生建馬而後麒麟庶獸凡毛族者以次生焉麟介生蛟龍蛟龍生鯢鱓而後建邪庶魚凡鱗族者以次生焉介潭生先龍先龍生玄龜而後靈龜庶龜凡介族者以次生焉埤雅云龍鱗八十有一具九九之數陽之極也故為辰而司水醜鱗三十有六具六六之數陰之極也故變陽而化龍又云龍卵生而思抱雄鳴上風雌鳴下風因風而化廣雅云有鱗曰蛟龍有翼曰應龍有角曰虬龍無角曰螭龍

朱升天曰。蛟龍玉符。稱世俗畫龍之狀。馬首蛇尾。又有三停九似之說。謂自首至膊。膊至腰。腰至尾。皆相停也。九似者。角似鹿。頭似駝。眼似鬼。頂似蛇。腹似蜃。鱗似魚。爪似鷹。掌似虎。耳似牛也。或曰。龍無耳。故以角聽。又云。驪龍之睥。見千里。纖芥論衡云。龍頭上有骨。如博山形。名曰尺木。無尺木者。不能昇天。其爲性粗猛而畏鐵。愛玉。及空青而嗜燕。故食燕人不可渡海。又曰。蛟龍畏楸葉。及五色線。故漢以來祭祠原者。以五色線合楸葉。裹糲米。縛而擲之。則蛟龍不敢吞。故古之祭龍氏。御龍氏。以知其好惡而節制之。將雨則吟。其聲如憂。銅盤其涎能發衆香。其鱗氣能成雲。因雲以藏其身。故其形不能全見。今江湖間。時有見其爪與尾者。歲時云。五月後。龍乃分方。各有區域。故雨散之間。雨陽異焉。又多暴雨。說者曰。細潤者。夫雨猛驟者。龍雨也。又龍火與人火相反。得濕卽熄。遇水而燄。以火逐之。則息而滅矣。服食者所當知其如此。江氏曰。如修治龍骨。用火煨三時辰。研萬匝。極細用。

○龍骨安心神。定魂魄。欽虛汗。收脫泄之藥也。周士和曰。龍東方之神也。稟陽氣以生。爲神靈之物也。其骨雖係

脫化之餘其體堅重其實粘着其性收澇故本草主精
物鬼魅爲患小兒驚癇大人顛狂神志浮越不寧之證
以此神以寧之堅重以鎮之所以能安心神定魂魄而
驚癇狂亂之證宜其專用之也如日華方言能斂虛汗
止泄瀉滲水氣者總因收攝斂澇澇以固脫之義如別
錄文治遺精淋濁崩漏帶下滑脫諸病者亦歸斂閉精
氣收攝神藏之極功也已上諸病倘因血熱積滯爲患
者法當通利疎泄不可便用此止澇之劑恐積滯瘀血
未清反能爲害也惟久病虛脫者不在所忌

○集方治大人小兒一切癲狂驚搐風癇神志不寧等疾
用龍骨二兩火煨研極細末犀角丹砂琥珀天竺黃各

五錢俱研極細末。鈎藤懷生地茯苓各一兩五錢俱微
○炒燥爲極細末。蘇合香三錢牛黃二錢俱用酒溶化共
未味總和無處用膽星八錢研細末竹瀝一碗打糊爲
丸如梧子大。大人服十九小兒服二三丸俱用生薑湯
調灌。○治心虛盜汗用龍骨五錢火煨茯苓一兩人參
六錢蓮肉五兩俱微炒共研爲末。麥門冬去心四兩酒
煮搗爛成膏爲丸。梧子大每早晚各服三錢白湯下。○
治泄瀉不止用龍骨赤石脂各等分俱火煨研極細末
飯丸梧子大。大人用二錢小兒用五分用木瓜湯下。亦
治休息災痢。○治遺精淋濁血崩漏下白帶久痢諸疾
用龍骨二兩火煨當歸身酒炒酸棗仁各二兩炒白朮

三兩土拌炒。車前子一兩五錢炒。共爲末。煉蜜九。梧子大。每早服四錢。烏梅湯下。○治小兒臍濕生瘡。兩勝濕。爛成瘡。用龍骨研極細末。摻之卽愈。

倪朱謨曰。龍骨一品。本經謂死龍之骨。陶氏謂蛻化之骨。後之臆度者。辯訟紛紛。總之未嘗親見。此韓退之所以有獲麟解也。竊以龍爲神物。或飛或潛。或大或小。靈奇變化。莫可色相。是必無死理。卽曰肉血生養。終須尸蛻。然外有爪牙鱗鬣鬚角之形。內有筋骨府藏。吞吐之具。其骨雖經蛻化。寧非血肉所滋。自當有髓。有節。有竅。有絡。一經火燒酒淬。中之津氣油液。當必滲逗。雖積久土化。性或常存。今火燒則頑硬無烟。口嚼則冷淡無味。

搗研則堅銳不麤輾萬匝方細纔以齒叩之仍磳磳如
石之屑號曰龍骨。朱甚惑之間嘗過晉蜀山谷爲訪所
產龍骨之處岩石稜峭谿徑墳衍則有礧礧如龍鱗隱
心如爪牙者隨地掘之盡皆龍骨豈真龍之骨有若此
多而又皆盡積於梁益諸山也要皆石燕石蟹之倫
氣成形石化而非龍化耳。朱實有見於此不敢不爲
辯。

補集方。治兩耳濕爛久不收斂。用龍骨赤石脂俱火
海螵蛸水煮過各三錢共研細末。先用綿紙條拭乾
水。後吹水藥。

蛤蚧味鹹氣平。有小毒。可升可降。入手太陰厥陰經。

馬氏曰。蛤蚧生嶺南山谷及城墻。或大樹間。形如守宮而大。首如鬚墓。背綠色。有細鱗如鱗子。身長四五寸。尾與身等。雌雄相隨。且暮則鳴。近口廣南及陝西亦有之。其狀稍小。滋力一般。土人采之。開腹去腸肚。以竹條張開。暴乾。用雷氏曰。雄為蛤。雌為蚧。雄者皮粗。口大。身小。尾粗。雌者皮細。口尖。身大。尾小。其聲最大。多居木竅間。顧氏曰。廣西橫州甚多。雄雌上下相呼。累日情洽乃交。兩相抱負。自墮于地。人往捕之。亦不知覺。以手分劈。雖死不開。雷氏曰。去頭足鱗鬣。雌雄並用。以酒炙。研細用。試法。口含少許。奔走稍步。不喘方真。

○蛤蚧清肺熱。補肺虛。定咳嗽。止傳尸之藥也。陸平林曰。

此物居不獨處。出必雙行。鳴則牝牡相呼。得陰陽相合之義。故海藥本草療肺痿肺癰。咯血咳血。欬逆息急而喘者。投此立定。按十劑云。補可去弱。人參羊肉之屬。蛤蚧補肺定喘。生津退熱。功益人參。益陰血扶羸弱。止傳

尸功同羊肉。凡氣液衰。陰血竭者。宜加用之。

○集方治一切陰虛勞損吐血咳嗽及骨蒸夜熱盜汗諸

楊氏鳴山集

證。用蛤蚧一對。酒潤。火上炙黃。研細末。配諸補劑丸散

膏丹。隨方加入。

鯪又名穿山甲味鹹氣寒有毒可升可降陽中之陰入足太

陰厥陰經

蘇氏曰鯪鯪生湖廣嶺南及金商均房諸州溪山大谷中陶氏曰形似鼯而小背似鯉而潤首似鼠而大胸腹有毛口中無齒尖喙長舌四足五爪尾與身等府藏俱全其胃獨厚穴陵而居以蟻為食口中張甲若死狀漏氣最醒開甲誘蟻入其中即閉甲入水蟻浮水面吸而啖之肉裏美好閩人用此供饌李氏曰修治或炒或燒或炙以酥以醋以酒以童便或煎以油或炒以上各隨方製取用尾甲三稜力服勝也

○穿山甲去風痰推膿毒直穿經絡入達營分之藥也程君安曰此物穿山而居寓水而食出陰入陽能攻穿經絡入達病所故時珍方主癰疽發背疔毒乳癰便毒腸肚內發陰疽一切瘍毒等證形勢已成潰膿未出用山甲之穿利透膿解毒定痛消腫則無內陷之患矣日華

方又能散諸風。一身筋骨肢節不利。或頸項強痛。或臂
脇攻痛。或足膝痺痛。或久瘧寒熱無時。延月不愈。或婦
人乳汁不行。乳房腫痛。蓋此藥性能攻達走竄。故能如
是取効也。凡病非關風濕。風毒。及癰瘍之證。不必用。

○集方治一切癰疽發背疔毒。乳癰便癰。腸肚內發癰疽。

未潰可散。已潰排膿出毒。用十五味活命飲。用穿山甲

爲君。方見水部乳香集方內。○治諸風已下三方見方脈正一身筋骨肢節

不利。或頸項強痛。或臂脇攻痛。或足膝痺痛。用穿山甲

二兩。炒焦。當歸。川芎。俱酒炒。乳香。沒藥。焙。川烏。童便製

黃柏。鹽水炒。薑黃。炒。各一兩。蕘蛇一條。焙燥。俱爲極細

末。每早晚各服三錢。白湯下。○治久瘧不愈。用穿山甲。

牛膝、當歸、川芎各六錢、白朮、土拌炒、何首烏、和黑豆、煮各一兩二錢、肉桂三錢、分作三劑服。○治婦人乳汁不行、乳旁腫痛者、用穿山甲六錢、王不留行九錢、乳香、沒藥、麻黃、天花粉各四錢、五分、蒲公英一兩二錢、分作三劑服。

守宮 又名蜚虎 味鹹 氣寒 有小毒

李氏曰：蜚虎，生人家牆壁間，狀如蛇，腎及黑色，四足，長者五六寸，亦不聞蟻入。南方有十二時中，更時變身，或即蜚虎之狀，但黃褐青赤四色，十二時中，更時變身，亦狀守宮。○李氏曰：生山石間，曰石龍子，即蜚虎，但蛇有四足，頭扁，尾長，形細，大者長尺，小者五六七八寸，有細鱗，金碧色，生草澤間者，曰蛇鱗，頭大，尾短，形粗，其色青黃，亦有白虛者，又能入水，與魚合，不入藥用。生屋壁間者，曰守宮，即蜚虎也。似蛇，辟而短小，身褐，色尾亦短，三種並不益人。又按夷堅志云：劉子見山中有蜚虎，百枚，長二三尺，色金碧，光膩如脂，吐雷如彈丸者數十枚，行未數里，俄頃風雷雨雹大作。今道家取此祈雨，蓋取此義。

○守宮治風癰急驚，療癰流注之藥也。沈孔庭曰：守宮善食蝸蠃，蝸蠃乃治風要藥，故李氏方言守宮所治風痊。驚癰諸病，亦猶蜈蚣之性，能透經絡，化痰涎也。且入血分，如癰瘍流注，及疔積食痞，亦屬血分凝結於經絡，故

延生不已。用此攻散凝結之血。所以兼主之也。倘病屬血虛氣弱。非關風痰風毒所感者。宜斟酌用之。

○集方治小兒^{新集方}。臍風用蝟虎後半截。焙爲末。用人乳汁調

勻。入雄雞矢一分。搽舌根及牙關。再以熱手輕摩病兒

胸腹背間。取汗出甚妙。○治久年風癰^{奇效良方}。用蝟虎一箇。剪

去四足及尾。研爛。珍珠二分。和豆腐煮。研細。麝香冰片

各三分。共研勻。大人服三分。小兒服一分。用薄荷湯下。

○治療癰初起。用蝟虎一枚。焙燥。研末。每日食後服五

釐。酒調下。或乘活搗爛。敷癰漸消。○治男婦大小人血

積成塊。用蝟虎一枚。研爛。白乾麩五錢。和丸。梧子大。每

早服三錢。白湯下。當下血塊。不過一二次。卽愈。○治

兒疳積羸瘦面黃腹大及無辜疔毒用蝎虎一個微炙
乾。蝸牛殼三個。靛青二錢。雄黃一錢俱研細。麝香冰片
各一分再總研勻。米醋打神麴糊爲丸。黍米大。每服五
丸。白湯化下。早晚各一服。○治歷節風痛不可忍。用蝎
虎三個。白頸蚯蚓五條俱生研爛。螻蛄蟲三個。紙包煨
研爛。草烏三個。酒煮一時辰。木香五錢。乳香出汗。沒藥
出汗。各二錢。麝香冰片各五分俱研細。再總研勻。酒打
麥麴作糊爲丸。梧子大。每早晚各服二十九。漸効。○治
大麻風成癩。用蝎虎五個。生搗爛成膏。生半夏二兩。研
細末。和入蝎虎膏內。丸梧子大。每服五十丸。濃煎菴豆
湯吞下。○治癰瘡大痛。用蝎虎焙乾研末。脂麻油調傳。

卽止痛。

○蜥蜴

味鹹氣寒
有小毒

利水道通小便下瘀血破胎娠之藥也。

別錄

翟秉元曰按寇李二氏方云蜥蜴能聚雹致雨故能治癰淋利水道下瘀血其功長于利水故千金方治血瘀藏結血閉水腫尸注留飲諸疾。

治翻胃方用蜥虎二五個取公雞一隻籠生餓二日只與水吃或頻灌水數十匙換淨肚腸將蜥虎切碎與雞食之取糞焙乾爲末每服一錢燒酒送下。○又方只用活蜥虎一個燒酒半壺入蜥虎浸七日將酒頓熱去蜥虎只飲酒卽愈治蠱亦同。

萬病回春

蛇味鹹甘。氣平。無毒。可升。可降。陰中陽也。通行十二經。

為玄武。在物為毒蟲。有水。火。草木。土。五種。黃。赤。白。黑。金。翠。斑。花。諸色。毒蟲也。而有無毒者。鱗蟲也。而有生毛者。即生也。而有胎產者。腹行也。而有四足者。又有冠者。角者。翼者。飛者。獸首者。人面者。兩首者。兩身者。岐尾者。鉤尾者。端尾者。蛇形者。杵形者。又有青。綠。白。赤。蒼。蛇。文。腹。白。頸。黑。中。赤。口。黃。口。之類。其山以春。其蟄以冬。其舌。雙。其耳。聾。其聽。以目。其蟠。向子。其毒。在涎。其珠。在口。其行也。紆。其食也。吞。皮。數。解。蛻。性。曉。方。藥。蛇。交。蛇。則。雄。入。雌。腹。蛇。交。雄。則。生。蜃。及。蟻。蛇。以。龜。膽。為。雌。又。與。鱉。通。氣。入。水。交。石。斑。魚。入。山。與。孔。雀。匹。竹。化。蛇。蛇。化。雉。變。憐。蛇。蛇。憐。風。水。蛇。化。鱗。鱗。蛇。化。龍。騰。蛇。聽。孕。蛻。蛇。目。圓。已。蛇。吞。象。蟬。蛇。吞。鹿。玄。蛇。吞。小。麋。蛇。吞。鼠。鼠。有。蟄。蛇。之。鼠。復。蛇。吞。蛇。而有制蛇之川父。蛇令豹止。而有食蛇之獫狫。蛇同氣。而有啣蛇之龜。玄龜食蟒。鯽蛆食蛇。鳩步則蛇出。鴈鳴則蛇結。鵠鵠鷹鵠皆鳥之食蛇者也。虎。猴。兔。鹿。牛。皆獸之食蛇者也。蛇所食之蟲。則蛙。鼠。燕。雀。螭。蟪。鳥。蠃。所食之草。則芹。茄。石。楠。菜。蓂。蛇。栗。所憎之物。則蕺。荷。菴。蘭。蛇。芮。草。鵲。糞。所畏之藥。則雄。黃。雌。黃。殺。羊。角。蜈。蚣。誤。解。葛。菜。則。日。不。見。物。矣。以。桑。薪。則。足。可。立。出。蛇。

蟠人足。淋以熱灰。或沃以熱湯。則自解。蛇入人竅。灸以艾炷。或辣以椒末。則自出。內解蛇毒之藥。則雄黃。貝母。大蒜。薤白。蒼耳。外治蛇咬之藥。則大青。鶴蝩。苦苣。葶菜。射干。薑黃。乾薑。白礬。黑豆。葉黃。荆葉。蛇含草。大黃。黃連。蔡苴。雞糞。是也。雷氏曰。凡用蛇脫。只用白色如銀者。於人家牆壁屋角間。皆退出。如青黃蒼色者。勿用。修治刀切寸斷。以醋浸。

一宿。火煨乾用。

○蛇脫散。風毒解。癰瘍。開喉痺之藥也。李秋江曰。蛇脫。統

一身之衣。從口退出。龍則脫骨。蛇則脫皮也。蛇以腹行而速。其性上竄。蛻則自裏出表。退脫而解。專治風動為病。故前古主小兒百二十種風邪。驚癇癰疾。四肢瘈瘲。搖頭弄舌。寒熱等證。皆屬厥陰肝經為病也。如日華方治大人喉痺不通。小兒重舌重齶。及目翳膠障。丁腫癰毒。亦取此歸風。性竄攻而善散。蛻而善解之義。須五月

甘草各三錢。俱研極細末。總和勻。每遇此患。服三分薄

荷湯調服。○治小兒木舌。聖方重舌重齦。用蛇蛻。製法同前研細

末。米醋調敷。○治小兒口緊。聖方不能開合飲食。不出聲者。

卽死。用蛇蛻燒灰傅之。○治目中卒生翳膜。或小兒痘

後目翳。用蛇蛻一條。去頭尾。製法同前研細末。以大羊肝二

個。夾藥縛定。米泔水煮熟。羊肝食之得効。○治橫生逆

產。胞衣不下。用蛇蛻一條。去頭尾。製法同前研細末。酒調服

三錢卽順。

蜥蛇膽。味苦微甘。氣寒。有小毒。氣薄味厚。陰也。降也。入手

少陰。足厥陰。陽明經。

劉氏曰。蜥蛇長十丈。小者四五丈。行而紆徐。冉冉然。非若諸蛇行疾而速也。其蛇身有斑文。如故錦纈。春夏于

溪山中。伺鹿吞之。蛇遂躡獲。待鹿消盡。乃復肥壯。或言
一年食一鹿。鹿消盡。乃遠出。則腹中之骨穿鱗而出。又
按王氏曰。橫州山中。多蚺蛇。大者長十餘丈。闊一丈。
食鹿鹿。及山獸。骨角隨腐而出。土人采葛藤。塞入穴中。
蛇嗅之。卽奔。乃命多人發穴取之。肉極腴美。皮可冒鼓。
及飭刀劍樂器。甚精巧。又虞衡志云。秦兵捕蚺蛇。滿頭
插花。蛇卽注視不動。或以婦人衣投之。則蟠而不起。乃
退而斷其首。待其騰擲力竭。乃斃。昇歸食之。可供官饌。
陶氏辨蚺蛇膽。如鴨子大。狹長通黑。皮膜極薄。舐之味苦。
微甜。剔取粟許。着清火中。浮游水上。回旋行走者。爲真。
如徑沉而不走者。諸色膽也。然亦勿多着。多着亦沉也。
市人以猪牛虎膽。僞充。入水亦走散。但遲而不速耳。其
膽上旬在頭。中旬
在心。下旬在尾。

○蚺蛇膽退目翳定癰疾治小兒疳積成勞之藥也。魏景
山曰。蚺蛇稟火土之氣。其膽爲甲乙風木之化。故別錄
主目赤腫痛。翳障昏蒙。或五癰陡發。暴仆痰迷。或疳積
久困。黃瘡成勞。或跌撲杖打。血悶垂死。或癰風瘡癩。血

潰肉崩關節傾敗腐穢臭爛等證用蚺蛇膽二三分入口即安功能化痰活血護心止痛受杖人服此能使惡血流通不上薄心真救急之神丹也

○集方治目赤目腫目障目昏不明用蚺蛇膽半豆許水

化點些須于兩目眥內立効○治五癰痰厥昏迷卒仆

用蚺蛇膽一分酒化灌服立甦每日服一次連服五次

癰疾永不復發○治小兒疳積成勞用蚺蛇膽一錢每

日服一分胡黃連一分煎湯調服服十次全愈○治杖

打血脹垂危并跌撲極重者用蚺蛇膽五錢血竭乳香

沒藥狗頭骨麝蟲天靈蓋麻皮灰象牙末各一錢五分

共爲末煉蜜丸彈子大每丸重三錢臨杖服一九護心

止痛○治癰風癰瘡皮肉崩潰者用方補聖用蝮蛇膽每日服三分白湯化服一月全安○治疔瘡腫痛用蝮蛇膽研爛菜油調塗立効

○蝮蛇肉味甘氣溫有小毒四月勿食治癰風殺三蟲辟瘟瘴之藥也

本草發明曰按柳子厚云嶺南永州山野多產異蛇黑質白章觸草木盡死無禦之者其肉脂之爲餌可已大風癰毒攣腕瘰癧諸瘡去死肌殺三蟲又泉州盧元欽患癰風遍身惡癩惟鼻未損五月五日取蝮蛇肉煮食三五日頓可百日平復又集簡方治諸風癱瘓筋絡

痛痿痺麻木及皮肉癢痒膿癩疥癬惡瘡用蝮蛇肉炙十兩皂角刺三兩好酒十五盞浸蒸一日每日隨量飲

白花蛇味甘鹹氣溫有毒

李氏曰。白花蛇。原出南地。及蜀郡諸山中。今惟新蛇。擅名。卽新地。亦不多得。市肆與官司所取。多以江南興國州者。僞充之。新產者。龍頭虎口。黑質白花。腸有二十四方。勝腹有十點。合珠子。口有四長牙。尾上有一小指。凡腸形如連珠。脊中有兩腎。寇氏曰。諸蛇鼻向下。此獨鼻向上。惟烏蛇性善不噬物。白花者。墜人有大毒。元稹云。白花蛇。性少善。故入藥。取新產者。爲貴。又按蛇戶云。白花蛇。喜嗜石楠花葉。嘗從藤上獲之。先撒沙土一把。則蟠曲不動。以鐵叉。俟定其首。以繩繫其首。懸掛剉刀。破其腹。去腸肚。下置水一盂。則反尾自滌其腹。蓋護創耳。乃以竹條。隨其蟠曲。簽定盤紮。火上焙乾。爾雅翼云。諸蛇死。目皆閉。惟新州者。目開如生。舒新兩界者。則一開一閉。此理之不可曉者。又云。飲識眞僞。懸蛇于堦上。或缸上。注酒數斗。酒卽冉冉而動。如沸者。若磁石之協鐵。琥珀之拾芥然。否則形色雖備。亦無力也。土人僅飲此酒。亦獲大益。得此眞新蛇。入藥用。功力大倍。雷氏曰。修治法。首尾春秋酒浸三宿。夏一宿。冬五宿。炭火焙乾。去骨取肉。研末用。

○白花蛇。去風濕。利筋骨。掃瘡疥。活血脉之藥也。計日聞。蘇頌
曰。此蛇生于深山土穴陰霾之處。稟幽暗毒厲之氣。經
言風爲百病之長。善行而數變。蛇性走竄。亦善行而數
變。又喜食石楠枝葉。所以能透骨搜風。散瘡消疥。舒筋
利脉。爲風痺要藥。取其內通藏府。外徹皮膚。無處不到
也。而開竅方治中風濕痺不仁。半身不遂。筋脉拘急。口
面喎斜。骨節疼痛。脚弱不能久立。及癰毒延注。眉髮脫
落。一切疥癬瘡癩。風毒痛癢。諸疾。取蛇一條。和鹽。青。煮
朮。牛膝。木瓜。人參。各二兩。俱焙燥。好酒十壺。浸蒸早晚
各隨量飲之。一切風疾癰疽。瘡疥諸疾。一月奏平。此李
頤湖集簡方之良劑也。如風痺係陰虛血少。內熱而發。

非關風濕者。非所宜也。

附隨病加減法。如頭風頭痛。木方加天麻。甘菊。如耳聾目昏。加蒼耳子。蜜蒙花。如舌本木強。語言蹇澁。加製半夏。膽南星。如臂膊痠疼。不能舉握。加薑黃。海桐皮。如遍身牽引疼痛。不能展動。加虎骨。蕨麋。已上加用諸藥。俱各用一兩。

烏梢蛇。味甘。氣平。有小毒。

蘇氏曰。烏梢蛇。生蘄州。黃州。山中。今商洛諸山。亦有之。背有三稜。色黑如漆。頭圓尾尖。身黑而光。眼有赤色。至枯死。眼窩不陷。性善。不噬生靈。亦毒蟲之難得者。多在蘆葦中。吸風及花氣。嘗于蘆葦上得之。小者身細長。能穿銅錢。百餘文。活時稱之。重七八錢。至一兩者。為上。重十兩。至一鎰者。為中。如粗大。重一二觔者。為下矣。市肆偽作者。用他蛇熏黑。亦能亂真。但眼不光。而又陷耳。雷氏曰。凡用此蛇。須辨雌雄。今鄭州烏蛇。頭上有逆毛一寸。一路頭尾相對。腹下有白帶子一條。長一寸者。雄也。捕得去頭及皮鱗帶子。剉斷。苦酒浸一宿。漉出。後火炙。

乾用。只重一二兩者。彼處珍重。得此多。畱進貢。

○烏梢蛇主治功用。與白花蛇同。茲不贅。